

太上說牛瘦妙經終

上清洞玄明燈上經

乃十

夫太微通妙朗徹遐幽績太陽之玄光演明燈之寶章始於自然稟日月之華精耀景微冥散暉朗空無天不普無幽不照無界不玄自非玄挺符會七世積功斯文不可而窺也
兆遇之者寶而易焉
夫受此經齋明金青玉之誓於絕崖而授之焉若闕信盟又無殊行悠悠之徒勿妄宣示必欲受之者皆先告齋惟許虛靈瑞感然後傳之爾

太極高玄真人登九霄瓊臺稽首憲軒之下請問紫宸丈人開矇悟慧肘步膝趨時移晷刻然後告之曰所誥妙焉今以煥七玄以決善惡演禮誦之寶章相告經旨尋峻天科嚴烈寔長靜霞舉之梯級常蓋以玄雲衛以飛龍天兵羽騎晝夜無休凡飾以瓊瑤珠玉光瑛煥赫自非上真不能賙此宮墻矣夫研味虛玄咀嚼飛根披講寶章莫如齋謝齋謝莫若上清洞玄燒香然燈禮誦也然燈法間相去一丈五尺以十燈著竿上口宣其旨焉衆

燈之玄綱千燈羅列如威儀多少意識也夫明燈上象星辰次曜七祖曠妙難宣修之三年白日昇天
禮燈之法先向東次向西次向南次向北因仰天心存而禮之中央依真文之誦也

同齋者唱讚其後素嚴香火於前雲趣勿使煙絕斯法廣被拔脫幽夜之苦救生死之災虔向之子仰信之夫家橫潦考疾欲建齋以自拔脫者當獻以名香清油斤兩斗斛隨意所奉精修勵行墮者當以主人所齋香油充糾罰之費以補闕愆兆輩修道日邇望速而應遲便謂道遠虛誕命也如何兆既不能超迹絕巔焉得七祖降福退不能於家庭同志齋講常飛輪驟競以酒聲自娛上違玄教中墮祖橋宰三牲以篤孝哀乎痛哉今我心酸至於福消禍淫便咎神明方位祈禱冥漠可謂臨瀆而鑿井矣所復速哉死嬰苦痛殊流後代至於子孫餒病皆坐今世不行功善委化任念恣懷肆毒所招矣愚祭之夫聞慈戒若融風之吸天雉穢之飛鳴犬而笑良可哀乎

施之不信也

兆欲延年長存消災救疾修福要至其緯
七玄宜知上清善賢施慈之報應大戒無之
禮誦然後災禍可排景漢可并也

禮燈之法政都禮况而已特欲苦屬拔標所

不禁也

太極真人曰若禮燈王及行燈其頌如左

太哉七寶宮 自然生蓮華 燁燁闍夜光

條欵登太霞 仰觀玄真閣 雲棲齋義我

流煥曜玄空 催兵徵萬魔 拔苦羅難中

積劫方嬰牙 齋禱度七祖 積福潤兆家

太妙出神暉 無形寂無影 邊蕩無界外

豁然普濟往 舉度七玄苦 冥家親長靜

拔度五難滯 應感乘雲上 明燈徹十方

冥漆無不朗

赫赫玄真堂 煌煌映十方 寒露沈塞開

洞釋眾難身 七祖三塗解 無復憂惱患

綠蓋映十方 飛舉披雲波 神燈藹九冥

燭朗攝山阿 梵身六會宮 世世為仙家

虛煙咸宿緣 榻降消萬魔 苦魂應感散

水離於流沙

積福不知已 豈是一日愆 七祖受此殃

長在河海間 上真念是苦 虛心九重門

稽首禮玄燈 度名東華宮

右禮王竟便行燈頌十九首如左

千真朝瓊闕 明徹洞虛空 仰存無為尊

飛霞戲雲間 清靜無滯難 身生七寶光

我為海船師 故能釋三羅 夜光通幽谷

苦身洗滌開 虛煙散八極 朗照入太微

禮誦無上教 福慶真難覓

飄飄結落通 寂寂滿八丘 三春生雲影

虛無雙太元 洞觀極十方 逍遙散苦艱

飛輪詣太空 無形亦無跡 縱洛任飛輪

蕭蕭超界外 被褐諒夜光 諸天悉勝太

罪福不由他 曷自由爾身 積功若不早

晨夜建福田 歸命無為道 終當見正真

煥爛明光暉 朗徹無隱深 赫耀絕冥外

福降積福邊 犀序觀十方 普濟一切人

嚴我玄真帶 携手擊玉符 明燈扣瓊鐘

應響已得無 一日見三達 釋我積世憂

遠英七寶宮 迴輪曲嶽阿 息駕綠蓋房

豈知年歲多 漱吸金液精 萬劫方嬰丹

下看榮鏡中 不解可奈何 暢映流鸞交

玄暉映曲谷 豁朗徹淵泉 長安五色宮

纏繞盈鄧山 七祖反胎生

翳鶴亭空曜 鬱勃入太清 天符左右使

迴輪歸南傾 恍惚九載外 暫起石啓靈

七祖獲胎仙 南宮更受生 理悟齊一揮

飛輪蕩空洞 眇觀千百仞 身輕體無為

聚煙吸然散 身輕體無為 四朗應真煥

地獄三惡道 悉得脫籠絆 心理六覺暢

嘯歌九玄臺 崇嶺凝淒淒 虛堂散玄暉

自棄塵濁緣 流霞耀金室 虛堂散玄暉

積感致靈降 形單道亦分 微歛眇萬劫

豈覺同德椿

秀圃蔚神階 朱瓊緯緜流 風鼓空同玉

棲翳虛鳳鳴 紫煙纏曲宇 丹暉繞綠軒

飛旗鬱玄蓋 羽節耀紫清 澄景九霄際

遨遊戲鳳城 顧看榮鏡子 一樂同朝生

騰鸞控玄暉 晏景洞野外 流浪尋靈入

合形慶霄際 手披朱玉戶 朗若神冲養
 金闕鬱差我 清影無塵穢 解於玄閣堂
 通我良願會 脫從三陰難 保鍊固年邁
 智慧起本無 明明超十方 結空峙玄霄
 諸天挹流芳 其妙難思議 虛感真寔道
 有有無不有 無無無不容 眇眇入玄肆
 智慧常觀身 學道之所先 魔王為保言
 自然錄我神 天尊常擁護 起超太上仙
 智慧生戒根 真道戒為主 三寶由是興
 高聖所崇授 況此不死舟 條欵濟大有
 當此說戒時 諸仙來稽首
 太微天帝受戒時頌
 夫見然燈皆當誦此文不但受戒時然燈也
 叩齒微為之勿令他聞聲凡口齒悉耳
 太上散十方 華燈通精誠 諸天皆赫然
 諸地悉朗明 我身亦光徹 五藏生華榮
 炎景照太無 遐想繁玉清
 丹精奇太無 玄陽空中響 舍形滅苦根
 幽妙至真想 垂華不現實 因緣不光象

我身亦如之 乘化託流景
 夜光表陽丹 迢迢照靈室 諸天普光顯
 諸陰即已滅 我神亦聰明 常玩智與慧
 道遙道運 還謝任天勢 舉形躡空洞
 夜燭煥流翠
 太微天帝曰徒然燈而不知誦此六大魔
 府不過人死命八方諸天亦不遣玉童玉女
 飛天神人不降於子矣十方三界不度兆名
 於東華南宮不受子七祖父母化生之道
 施食衆生呪
 勤修大道法 精誠感太冥 真降魔魁散
 眾妖皆滅形 七祖度南宮 兆身昇上清
 既福無不善 法食施衆生
 上清洞玄明燈上經
 六

太上洞玄寶元上經 乃上
 太上寶元上經一名保一妙訣又名
 自然經玉童若所修玉帝神目極大
 有之房傳元
 上真人也
 太上曰大道浩浩其中有寶其實甚精莫侶
 其榮其榮鬱鬱莫傳其貴其貴甚尊莫齊其
 門其門无雙其戶獨立子能尋之无欲直入
 有欲求之莫或能及少欲志慕感有差級法
 地則天守道自然自然妙炁應以三位三位
 之源源本同實實以鎮虛以文成質內外相
 須混而為一一棲三才才人出類合德二儀
 拔乎其萃由識本源守貨不失永保生生修
 之入室靜篤精思見妙如日明來闡去消除
 死炁死炁稍遠生炁浸長生不死是日得
 常常未即得恒當存知知常曰明不知常妄
 作凶凶資欲起貪爭相牽氣氣為罪障障日
 堅心神亂感災禍相纏智慧悟此抑欲鍊心
 以清治濁以正制邪凶既去正吉惟新能
 成能蔽與道合真也
 自然源一應手為物為三萬物作復由乎四
 炁五行周流六虛同歸宗一一為道子生二